

**UNTUK SIARAN SEGERA**

### **KENYATAAN MEDIA**

#### **GREAT EASTERN TAKAFUL DAN SWM ENVIRONMENT LANCAR PROGRAM GREAT KITARecycle CHALLENGE 2024**

*Kolaborasi strategik ke arah alam sekitar lestari melalui pendidikan dan penglibatan pelajar*

---

**MELAKA, 19 JUN 2024** – Great Eastern Takaful Berhad (GETB) dan SWM Environment Sdn Bhd (SWM Environment) telah melancarkan program GREAT KITARecycle Challenge 2024 bertempat di Air Keroh, Melaka pada hari ini. Hasil jalinan kerjasama strategik ini bakal menyaksikan sebanyak 60 buah sekolah terpilih yang membabitkan 30 buah sekolah rendah dan 30 sekolah menengah di negeri Melaka dan Negeri Sembilan bersaing dalam pertandingan tersebut.

Program yang menawarkan lebih RM30,000 hadiah wang tunai ini bermatlamat untuk memberi pendedahan, didikan serta galakan berkaitan ilmu kitar semula di bawah program kitar semula bergenjuran SWM Environment iaitu KITARecycle yang dilihat dapat menjadi satu langkah proaktif dalam memperkuuhkan penglibatan organisasi korporat demi alam sekitar yang lebih lestari. Jumlah barang kitar semula yang dikutip akan direkodkan di bawah program tersebut bagi membolehkan pihak urusetia memantau data kutipan setiap sekolah yang mengambil bahagian.

Menurut Ketua Pegawai Eksekutif GETB, En. Shahrul Azlan Shahriman “Selaku pengendali takaful keluarga, kami bukan sahaja berperanan untuk melindungi kesihatan dan kewangan rakyat Malaysia. Kami juga turut beraspirasi untuk melindungi alam sekitar demi kualiti hidup dan kesihatan yang lebih baik. Menerusi inisiatif tanggungjawab sosial korporat GETB, kami berhasrat untuk melahirkan lebih ramai generasi yang celik ilmu dalam melindungi alam sekitar pada masa hadapan. Menerusi kolaborasi ini, kami juga turut memperkenalkan inisiatif hasil semula (upcycling) yang mana kami akan membawa mesin hasil semula 2-dalam-1 ke sekolah-sekolah terpilih untuk memberikan pendedahan kepada aktiviti hasil semula yang dapat dilakukan oleh para pelajar.”

Program GREAT KITARecycle Challenge 2024 ini telah dirasmikan oleh En. Shahrul Azlan Shahriman dan pelancarannya turut disempurnakan oleh En. Mohd Norlisam Mohd Nordin dan wakil Kementerian Pendidikan Malaysia iaitu En. Hafiz Riduan Md. Daud, Ketua Penolong Pengarah, Bahagian Sukan, Kokurikulum dan Kesenian sambil disaksikan oleh pihak Jabatan Pendidikan Negeri Melaka dan Negeri Sembilan, tetamu kehormat serta para guru yang hadir.

Mengulas lanjut mengenai pertandingan ini, En. Mohd Norlisam Mohd Nordin, Pengurus Besar Korporat SWM Environment berkata, “Kategori Sekolah Rendah melibatkan Pertandingan Pengumpulan Barang KITARecycle, Penghasilan Arca 3R daripada barang kitar semula dan Pertandingan Bercerita manakala bagi kategori Sekolah Menengah pula, turut diadakan Pertandingan Pengumpulan Barang KITARecycle di samping Penghasilan Arca 3R daripada barang kitar semula, Pertandingan Penulisan Esei dan Pertandingan Video Pendek”.

Tambah beliau, "Sebanyak 56 hadiah disediakan untuk pemenang daripada sekolah rendah dan sekolah menengah yang akan diumumkan semasa majlis penutup yang dijadualkan pada 19 November 2024. Pertandingan ini akan berlangsung selama empat bulan bermula dari Julai sehingga Oktober 2024. Program ini dilihat sebagai platform yang baik untuk mengembangkan kemahiran kreatif murid-murid sekolah rendah dan menengah melalui pendedahan dalam aspek perkongsian idea, kerja secara berkumpulan serta teknik penghasilan rekaan."

-TAMAT-

#### **MENGENAI SWM ENVIRONMENT SDN. BHD.**

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: [www.swmenvironment.com](http://www.swmenvironment.com).

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula bergenjarannya, KITARcycle, di ketiga-tiga negeri selatan Semenanjung Malaysia. KITARcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barang kitar semula yang termasuk kertas, tin aluminium, plastik, sisa elektrik dan elektronik. Mulai tahun 2024, mata ganjaran yang terkumpul hanya sah untuk tempoh dua tahun dan boleh ditebus secara tunai melalui perbankan dalam talian. Orang ramai boleh memuat turun aplikasi KITARcycle melalui *Apple Store* dan *Google Play Store*. Sila layari laman web: [www.kitarecycle.com](http://www.kitarecycle.com) untuk mendapatkan maklumat lanjut.

#### **MENGENAI GREAT EASTERN TAKAFUL BERHAD**

Great Eastern Takaful Berhad adalah syarikat usaha sama antara i Great Capital Holdings Sdn Bhd (i-Great), anak syarikat Great Eastern Holdings Limited dan Koperasi Angkatan Tentera (M) Berhad. Sejak ditubuhkan pada tahun 2010, Great Eastern Takaful komited dalam menyediakan produk perlindungan takaful keluarga komprehensif yang memberi perlindungan kesihatan dan kewangan patuh syariah dalam usahanya untuk merapatkan jurang perlindungan di kalangan rakyat Malaysia, termasuk kumpulan berpendapatan rendah (B40). Menzahirkan pendekatan Takaful untuk Semua, operasi perniagaan GETB disokong oleh pelbagai saluran pengedaran, rakan perniagaan korporat dan perbankan untuk terus mengukuhkan kedudukannya dalam industri dan memenuhi keperluan perlindungan para pelanggan.



Melangkaui operasi perniagaan, Great Eastern Takaful juga giat menjalankan pelbagai inisiatif tanggungjawab sosial yang memfokuskan pendidikan (GET-Pintar), pembangunan komuniti (GET-Care) dan kelestarian alam sekitar (GET-Green) demi membantu masyarakat memperoleh kualiti hidup yang lebih baik.

Aspirasi Great Eastern Takaful untuk mencapai kejayaan bersama rakyat Malaysia adalah terbukti melalui pelbagai anugerah dan pengiktirafan tempatan dan antarabangsa. Antara pengiktirafan terkini adalah anugerah "Pengendali Takaful Terbaik Malaysia 2022" oleh Global Business Outlook Awards dan pada tahun 2023, Great Eastern Takaful diiktiraf sebagai "Most Valuable Brand – Takaful Solutions" oleh The BrandLaureate BestBrands Awards, "Penyedia Penyelesaian Takaful Terbaik" oleh Global Islamic Finance Awards (GIFA) serta pelbagai anugerah Takaful Star Awards oleh Persatuan Takaful Malaysia. Great Eastern Takaful juga dinamakan sebagai Majikan Terbaik oleh Anugerah Majikan Terbaik Kincentric. Untuk maklumat lanjut, sila layari [www.greateasterntakaful.com](http://www.greateasterntakaful.com)

Pihak Kerajaan juga telah melantik Great Eastern Takaful sebagai pengurus skim mySalam, yang merupakan skim perlindungan kesihatan nasional yang dikawalselia oleh Bank Negara Malaysia.

**Untuk keterangan lanjut, sila hubungi:**

**Puan Noor Che Wah Binti Ramli**

Eksekutif Kanan

Jabatan Komunikasi Korporat & Hal Ehwal Kerajaan  
SWM Environment Sdn. Bhd. (Pejabat Wilayah Melaka)

Tel : 06 – 3350191 / 012 – 385 1436

E-mel : [wah.ramli@swmsb.com](mailto:wah.ramli@swmsb.com)

**Mastura Abd Rahim**

Penolong Naib Presiden – Penjenamaan & Komunikasi Korporat  
Great Eastern Takaful Berhad

Tel : 016 - 209 234

E-mel : [MasturaAbdRahim@greateasterntakaful.com](mailto:MasturaAbdRahim@greateasterntakaful.com)